

nim beatis ex sequentibus opus esse amicis inquietum: adiungit enim ipsi bona: ut cum ex se sufficient, nulla re amplius indigent. amicum autem cum sit alter ipse, suppeditare ea, quae per se quispiam nequit, unde illud. Fortuna cum dat bene, quidnam amicis est opus? Sed absurdum videtur, cum bona omnia felici attribuamus, amicos non tribuere: quod ex bonis externis esse maximum videtur. Nam si amici magis est beneficium conferre, quam accipere: boni item viri & virtutis est benefacere: benefacere autem amicis, quam alienis honestius est. probus vir iis indigebit qui beneficio afficiantur. Vnde etiam in questionem venit, utrum in aduersa, an in prospera fortuna amicis magis opus sit: eo quod & qui in infortunio est constitutus, iis indiget, qui beneficia conferant: & qui fortunati sunt, iis quibus benefaciant. Additum quod absurdum fortasse est, ut beatum solitarium esse faciamus. nemo enim esset, qui omnia bona habere per se ipsum eligeret: quippe cum ciuile animal sit homo, & ad coniugium natura aptum. & felici igitur hoc inest: que enim natura bona sunt habent: constat autem eum amici & probis viris melius esse quam cum alienis, & quibuslibet hominibus diem traducere: opus igitur felici amicis est. Quid ergo primi illi dicunt, & quomodo illorum vera oratio est? An quia plerique amicos eos esse opinantur qui utiles sunt? talibus igitur, cum bona ipsi omnia adiungit, nullo modo indigebit beatus: sed neque illis qui ob voluntatem sunt amici, vel parumper. cum enim vita eius iucunda sit, aduentitia voluptate non indiget, cum itaque talibus amicis non indiget, non indigere amicis videtur. Id autem verum fortasse minimè est, in principio enim dictum iam est, felicitatem operationem quandam esse. operationem autem fieri, & non esse ut possessionem aliquam, patet. at si felicem esse in vivendo & operando constituit: boni autem viri operatio honesta & iucunda per se est: sicut in principio diximus: & quod est proprium vniuersusque iucundum quoque est: alios vero spectare magis quam nosmetipos, aliorumque actiones quam nostras possumus: proborum autem virorum actiones qui sunt amici, bonis sunt iucundæ (ambo enim ea habent, que iucunda natura sunt) beatus profectò amicis huiusmodi indigebit, siquidem actiones honestas & proprias contemplari vult: tales autem sunt boni viri, qui amicus sit.

Felicem præterea iucundè vivere oportet